

SO ANGKOB I ABU HANEEN (NASRUDDIN IBN ABDULLAH) AGO SO MGA SALAFI KO MGA “KULLABIYYAH”

Iphoon ko miyaona den na katii na taman imanto na diden pagawa-aan o sabaad ko mga Ulama a Salafi a miniraot pen so degree iran sa Majester (Masteral) ago Doktor (Doctorate) so di benar a iphagangkob iran ko **Imam Ibn Al-Kullab (rahimahullah)** ago so mga morit iyan a bebethowan sa “**Kullabiyyah**”. Lalayon aya pheka-aloy ko mga post, bayan, khutbah ago seminar angkai a mga pagari tano ogaid na di benar ka so **Muhammad bin Sa’eed bin Kullab** ago so mga morit iyan na ped ko mga **Mufawwidhah** ko bebethowan iran sa Sifaat Khabariyyah.

PHITARO I ABU HANEEN (NASRUDDIN IBN ABDULLAH):

[KULLÁBIYYAH]

- Orian iyan na aya pman a miyakapangwaris siko Mu’tazilah na so Manga KULLABIYYAH a si imamansob ki Abdullah Ibn Kullab. Ayabo a tyanto iran na Pito a Sifát (Kapakambabaya, Kawyagoyag, Kapakhagaga, Katao, Kapakaneg, Kapakailai, Katharo).

Sembag:

Gyai na di benar a thotol a iphelangkap o sabaad ko mga pagari tano a Salafi sii sa Pilipinas. So mga Kullabiyyah na aya iphembetho kiran na Sifaatiyyah sabap sa kinitanto-on iran ko mga Sifat o Allah. (Di iran di imbalingan ko Allah ago so Rasul iyan so thito a maana ago haqeeqat angkoto a Sifat).

1. Phitaro o Ibn Taymiyyah (ghafarallahoh laho):

ابن كلاب وأئمة أصحابه كالقاضي أبي بكر بن الطيب وأمثاله فإن هؤلاء متفقون على إثبات الصفات الخيرية كالوجه واليد والاستواء

Maana:" **SO (ABDULLAH) IBN KULLAB** ago so mga morit iyan a ped ko mga aimmah lagid o Al-Qadi Abu Bakr bin Tayyib ago so mga lagid iran na miyaopakat siran ko kiyatantowa ko sifat a khabariyyah lagid o al-wajh, al-yad ago al-istiwa".¹

1. مجموع فتاوى شيخ الإسلام أحمد بن تيمية

2. Phitaro o Ibn Taymiyyah (ghafarallahoh laho):

ثلاثة أقوال معروفة أحدها إثبات صفات أخرى كالرضا والغضب والوجه واليدين والاستواء وهذا قول ابن كلاب والحرث المحاسبي وأبي العباس القلانيسي والأشعري وقدماء أصحابه كأبي عبد الله بن مجاهد وأبي الحسن بن مهدي الطبري والقاضي أبي بكر بن الطيب وأمثالهم وهو قول أبي بكر بن فورك وقد حكى إجماع أصحابه على إثبات الصفات الخبرية كالوجه واليد وهو قول أبي القاسم القشيري وأبي بكر البيهقي ... كما هو قول سائر المنتسبين إلى أهل السنة والحديث

"Telo a mga katharo a lumalangkap, paganay ron na so kiyatantowa ko mga sifaat a salakaw lagid o rida, ghadab, wajh, yadayni ago istiwa. Gyanan na kepit o **IBN KULLAB**, Harith al Muhaasibi, Abul Abbas al Qalaanisi, Abul Hasan Al-Ash'ari ago so miyangaona a mga morit iyan lagid o Abu Abdullah bin Mujahid, Abul Hasan bin Mahdi at Tabari, Al Qadi Abu Bakr bin Tayyib ago so mga lagid iran ago gyanan i kepit o Abu Bakr bin Furak go mataan a piyanothol iyan so ijma o mga as-haab iyan ko kitantoon ko sifaat khabariyyah lagid o wajh ago yad ago gyanan i kepit o Abul Qasim al Qushayri ago so Abu Bakr Al Bayhaqi lagid o kepit o langowan a mimamansob ko Ahlus sunnah abo Hadith." ²

3. Phitaro o Ameerul Mu'mineen fil Hadith Al-Hafiz Ibn Hajar Al Asqalaani Ash-Shafii (rahimahullah):

وعلى طريقته - يعني طريقة ابن كلاب في التفويض - مشى الأشعري في الإبانة

"Sii ko okitokit iyan – maana kepit o Imam Ibn Kullab a Tafweedh - na ron miyokit so Imam Al-Ash'ari ko kitab iyan a Al-Ibaanah". ²

INENGKA:

So Imaam Ibn Kullab (rahimahullah) na kenaba kagiya miyag-ithbaat sekaniyan na kenaba makapemamaana a mimbaloy sekaniyan a Literalist ka ped sekaniyan ko mga Mufawwidhah ago kenaba sekaniyan pana'wil sa lagid o ilalangkap angkai a mga pagari tano a Salafi.

-
1. مجموع فتاوى شيخ الإسلام أحمد بن تيمية
 2. لسان الميزان

BA BENAR A PITOPITO KON SO TIYANTO O MGA KULLABIYYAH A SIFAT O ALLAH NA TIYA'WIL IRAN SO LANGON A SIFAAT SA LAGID O KIYATHAROA RON I ABU HANEEN (NASRUDDIN IBN ABDULLAH) KO MGA BAYAN, KHUTBAH AGO SEMINAR IYAN?

Sembag:

Di anan benar ago phimbaalan a thotol a di tano katawan anda miyakapoon sa lagid den o di iran di kapamangbaal sa tothol ko mga Ashairah.

PHITARO O IMAM ABUL HASAN AL-ASH'ARI (RAHIMAHULLAH):

قال عبد الله بن كلاب: أن الله سبحانه لم يزل قديماً بأسمائه وصفاته وأنه لم يزل عالماً قادراً حياً سميعاً بصيراً عزيزاً جليلاً كبيراً عظيماً جواداً متكبراً واحداً أحداً صمداً فرداً باقياً أولاً سيداً مالكاً رباً رحماناً مريداً كارهاً محباً مبغضاً راضياً ساخطاً موالياً معادياً قاتلاً متكلماً بعلم وقدره وحياة وسمع وبصر وعزة وجلال وعظمة وكبرياء وكرم وجود وبقاء وإلهية ورحمة وإرادة وكرامة وحب وبغض ورضى وسخط وولاية وعداوة وكلام وأن ذلك من صفات الذات

Phitaro o Abdullah ibn Kullab: So Allah sobhaanaho wa ta'ala na Qadeem ko mga ngaran iyan ago sifaat iyan. (Andang den a sifat iyan) so 'Aalem, Qaader, Hayy, Samee', Baseer, 'Azeez, Jalil, Kabeer, 'Adheem, Jawaad, Mutakabbir, Waahid, Ahad, Samad, Fard, Baaqiy, Sayyid, Awwal, Maalik, Rabb, Rahmaan, Mureed, Kaarih, Muhibb, Mubghid, Raadhiy, Saakhit, Muwaaliy, Mu'aadiy, Qa-il, Mutakallim bi'ilm, Qudrah, Hayaah, Sam', Basar' 'Izzah, Jalaal, 'Adhamah, Kibriyaa, Karam, Jud, baqa, Ilahiyyah, Rahmah, Iraadah, Karahah, Hubb, Bughd, Ridhan, Sakhat, Basar, Wilaayah, Adaawah, Kalaam ago langon anan na mga Sifaat o Dhaat o Allah. ¹

Inengka ka kenaba pen phitaro o Imaam Abdullah bin Kullab (rahimahullah) oba gyanan bo i Sifaat o Allah. Batiya angka so katharo i Ibn Taymiyyah (ghafarallahoh laho) ka miyag-ithbaat sekaniyan pen ko mga bebethowan iran sa Sifaat Khabariyyah lagid o Yad, Majee, Istiwa ago so mga lagid iyan. Ogaid na lagid o kiyatharowa ron o Ameerul Mu'mineen fil Hadith Ibn hajar Al-Asqalaani (rahimahullah) na aya manhaj san o Imam Ibn Kullab(rahimahullah) na Tafweedh (Kimbalinganen ko Allah ko thito a paka-antapan ko mga Mutashaabihaat).

Sii phekillay a di kaphaginontolan o sabaad ko mga pagari tano ko di iran di ipamangdao ko mga morit iran ago ko mga seminar iran. Miyakadakedakel a lagidai a katharo iran ko mga Ashairah. Batiyaan tano so inisorat aken a sembag ki Dr. Farouk (Baguio City) 70 pages a maito a kitab. Wallaho A'lam bis Sawaab.

1. مقالات الإسلاميين واختلاف المصلين لأبي الحسن الأشعري